

اختر بنفسك | الشيخ محمد خيرى سلسلة من غيب لشهادة

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل. واشهد ان لا اله الا الله وحده لا شريك له
واشهد ان محمدا عبده ورسوله. وبعد - 00:00:00
فما زال الحديث يدور حول آآ رحلة الخلود التي ما من من انسان الا وهو موعود موعود بهذه الرحلة لان الايام بتاعة كل انسان منا
بتدور حول خمسة ايام الخمسة ايام دول كلنا هنمر عليهم - 00:00:21
كل واحد منا بيمر على الايام ديت ما فيهاش استثناء خالص نسأل الله ان يخفف عنا ويسدنا واياكم بما فيها خير فهناك يوم موعود
من الخمسة ايام التي سنمر عليها - 00:00:53
هذا اليوم هو موعد الارتحال وهذا يؤسر جدا علي في فهمه في تصرفاتي. قلنا من قبل ان التصورات تؤثر كسيرا في التصرفات اكثر
شيء ممكن يخليك تدرك شيء حقيقة وتتصوروا صح - 00:01:16
اما يكون اه وانك اه قصدي تتصرف فيه صح انك تدركه صح يعني الطالب اللي ما بيزاكرش ومقضيها وقت وهزار والكلام ده مشكلته
انه مش قادر لأ هو قادر يتصور هو قادر كويس جدا انه يذاكر. امال المشكلة فين؟ مشكلته انه مش متصور الصورة صح - 00:01:43
فهو مش متخيل ان بعد خمس ست شهور في امتحان ومش عايش التخيل ده حقيقة او مش متخيل ان الصورة بعد عشر سنوات ان
كل اصحابه اتخرجوا واشتغلوا واتجوزوا وخلفوا وربنا وفقهم في حياتهم - 00:02:04
وهو لسه بيدور كتير عنه وبالمناسبة يعني ان الانسان يرى نهاية الطريق ده بتريحه جدا حتى في المعاصي. يعني الانسان مسلا اللي
مبتلى بشرب الياه المسكرات وواقع في المخدرات والحشيش والحاجات دي - 00:02:22
اه احد الحاجات اللي يعني اللي تساعده بعد توفيق الله سبحانه وتعالى ان يتخلى عن هذه الامور ان هو يبدأ يسأل نفسه السؤال.
طيب الطريق ده اخرته ايه الطريق ده اخرته ايه - 00:02:40
يعني انا اما انسان يبتلى بالشرب ده اخرته ايه؟ اخرته انك تكون منبوز في المجتمع وان الناس ما بتحبش تقرب منك ما حدش عاوز
يرتبط بك كاسرة واول ما يعرفه - 00:02:54
الناس كلها بتبعد عنك انا بكلمك في حاجات مش هتكلم دلوقتي في حلال وحرام. نتكلم بس في ايه خساير مستقبلية بتقابل الانسان
فخسارة العلاقات خسارة الثقة والسقة انتم عارفين بتتبني في اوقات كبيرة جدا - 00:03:10
وبتتهدم في لحزة انسان بيمد ايده ويبسرق السقة خلاص انك بقيت لازم تقفل الدرج. ليه؟ لانه بقى خلاص عنده مرض السرقة خاصة
الجماعة دول ربنا يعافينا ويشفي الجميع ليه دايم يسرق - 00:03:31
دايم نحاول بقدر الامكان يحتال ده انا عندي مقابلات وللازم اسافر النهاردة فانا عاوز فلوس ده انا عاوز مش عارف ايه بيع البيت
ممكن يعرض عرضه للخطر كل ده عشان يجيب فلوس تيجي تسلم عليه - 00:03:49
تلاقي جسمه كده تخاف تسلم تضغط على ايده تحس ان هي بتتهري منه. ماشي قعد يرتعش وهو بيكلمك مش عارف يجمع. انت
حبيب الصورة دي انت حبيب ان ده تكون حياتك - 00:04:01
كل اما ييجي يفوق يحس ان هو يعني قدام يعني حالة صعبة جدا فيحاول بقدر الامكان ان يغيب عنها تاني نفس الكلام بقى في كل
معصية امسك الطريق وان شاء الله هيكون لنا في اجود ما يكون - 00:04:15
اه محاضرة عن دعني استمتع بشبابي. هنتكلم فيها على اخرة الطرق ديت ايه؟ الانسان دايم بيمشي في الطريق ده بيبقى اخرته ايه؟

اما تمشي في طريق الطاعة تمشي في طريق المعصية - 00:04:32

كل واحد من الطرق ديت اخترتها ايه فميزة انك تجيب الطريق من النهاية ده بيختلف تماما. فادراك التصور فالانسان عما بيدرك بيختلف تماما. يعني مسلا الجماعة اللي بيروحوا الجيم اللي بيروح الجيم ويتحمل الاحمال ويشيل وتلات ساعات وعضلات وآ يتبهدل في التعب والكلام ده - 00:04:44

هو عنده ادراك لاهمية صحته او اهمية ان جسمه يكون يعني ولد جسمه جميل كده وبتاع ومغري وانه لافت للانزار ومش عارف ايه والكلام ده كله الواحد سبحانه الله اما ييجي يتأمل هذا الامر - 00:05:12

ويدرك تصورات الحقيقية هيبدأ ينطلق ما تاكلش شوكولاتة ليه اصلا بتخني مش عارف ايه وبتاع ما تاكلش ليه رز واصلا عامل كيتو وده هياسر جدا علي فدايما يمتنع عن الاشياء اللي تؤزبه. شوفوا مسلا اشهر مسال دلوقتي كورونا - 00:05:33

الناس النهاردة بتتعامل مع ايه اه في حاجات كتير جدا كنا بنقول مستحيل مستحيل ان احنا نستغنى عنها بقينا بنستغنى عنها مستحيل ان احنا ما ننزلش الهايير بقيت ما بتنزلش الهايير - 00:05:54

مستحيل اللي انا ما يبقاش فيه تعليم لا ما يبقاش في تعليم الفترة ديت. مستحيل ان انا اتعلم عن بعد لا ما فيش حاجة اسمها كده لا هتتعلم عن بعد - 00:06:11

مستحيل اللي انا مش عارف ايه ، مستحيل ان احنا نقاطع هؤلاء دليلنا ان اه لو قطعناهم ده احنا مش هنعرف نعيش، لآ انت هتقاطعهم مش انت بس ده العالم كله هيقاطعهم كمان - 00:06:21

لو مش هتقاطعهم هم بس ده انت هتقاطع اي حد يا سبحانه الله وانا ضربت مسال قبل كده وقلت لو احنا النهاردة عندنا مدينة المدينة دي محصنة جدا جدا جدا. والمدينة ديت مسلا بينا وبينها آ ان احنا نعدي جبال - 00:06:31

صحراء والبحار جزيرة في وسط الايه؟ الاراضي اللي في وسط البحر الجزيرة دي ما فيهاش كورونا محصنة كويس جدا بس اللي هيروحها هيتعب شوية. ماديا لازم يصرف كتير السفر لها حوالي - 00:06:47

اه ثلاثين ساعة في الطيران. الناس هتروح ولا مش هتروح؟ بس هيمارسوا حياتهم عادي جدا جدا جدا ومليانة متع ومليانة فسح ومليانة كل حاجة وفيها الزيت اطعمة وفيها افضل الاشربة فيها كل ما يحتاجه الانسان. وما فيهاش كورونا. الناس كلها هتتحمل وهتروح هيروحوا. صح - 00:07:02

اعتبروا كورونا دي النار والجزيرة دي الجنة شفتي بقى انت النهاردة بتلبسي الكمامة والنهاردة ما بتسلمش آا تيجي النهاردة كنا زمان تيجي ما بتسلمش آا عشان سنة النبي صلى الله عليه وسلم وهدي - 00:07:23

النبي صلى الله عليه وسلم ان لا يجوز الانسان يسلم على امرأة لا تحل له فكان الاول يقول لك لا والتشدد ده لا النهاردة مش بتسلم ده انت من بعيد لبعيد كمان. يعني عشان الدنيا بنعمل اللي احنا اويه كل حاجة - 00:07:38

لكن لو اخرة والكلام ده لآ نبدأ بقى نقول لآ ونعمل ليه ومستحيل يعني انت ايه التخلف ده انت مش عاوزها تسلم على ابن عمته انت يا عم انتو عاوزين - 00:07:52

هنا فين اهو سبحانه الله! النهاردة بقى ممكن ما تسلمش على اخيها اللي جاي من القاهرة جاي يزورهم ومن بعيد لبعيد كده وبتاع انا شفت منظر ان في اخ جاي من بعيد وجاي يسلم على ابيه فقال له معلش لا لا ما بسلمش انت عارف بقى الزروف وكده - 00:08:02

وبقالهم فترة كبيرة جدا ما شافوش بعض فسبحان الله! احنا بنشوف دلوقتي صورة صورة منصور هنشوفها يوم القيامة يوم يفر المرء هنشوف احنا بنشوف الفرار دلوقتي يقول لك لا انا مش عاوز اقابل حد - 00:08:20

احد الشباب كان آا رايع يدي واحد من آا اخوانه شيه يعني فيقول له ايه؟ فيقول له انا مش هفتح لك الباب ولا قبلك الا اما يكون معك كمامة ولا بس جواني - 00:08:36

لو مش جاي كده ما ما تجيش فهو سبحانه الله يعني كانت ثقيلة على سمعه انه يسمع كده من ايه؟ من اقرب الناس اليه. اللي يقول له ايه انا مش هفتح لك الباب الا لو كزا وكزا - 00:08:48

وكذا وكذا وكذا النهاردة او كل الكلام ده مش بنتكلم دلوقتي في الغلط اللي احنا مش بنتكلم ايه ان طلع بقى سهل ان احنا ممكن نعمل حاجات كتير كنا شايفينها ان هي ضخمة لكن - [00:09:01](#)

اما تصورنا مقدار الازى اللي ممكن يترتب عليها طيب انت ممكن النهاردة تتخيلي النار فتتركي حاجات كتير جدا وانت بتقول مستحيل اتركها. لأ النهاردة سهل جدا نتركها فالانسان عم بيكون بيتخيل الحاجة بيتخيل شكله وهو كويس وشكله هو جميل وهو خاسس وهو لاعب رياضة فتلاقيه في الجيم ما ياكلش شوكولاتة ما ياكلش - [00:09:13](#)

اي حاجة ايه تؤذيه فالادراكات والتصور بتساعد جدا الانسان ولزلك كان اول شئ نزل على المسلمين في القرآن كما تقول عائشة رضي الله عنها كان القرآن اول ما نزل الايات اللي نزلت كتير في البداية اول ما نزل سور ايه؟ المفصل - [00:09:41](#)

صور من المفصل اللي هو المفصل اللي ببدا من حجات للناس الجزء ده مليون ذكر الجنة والنار على فكرة في ناس كتير حلهم ان يستحضر الجنة والنار ودي الطريقة الوحيدة لاستقامتهم بعد توفيق الله - [00:09:59](#)

مشكلتهم الحقيقية انه غير مستحضر الجنة ولا النار مش مشكلتهم ان هو مش مقتنع. فيه ناس كتير بيزهر لك انه مش مقتنع. وعاوز حد يقنعه وحقيقة الامر ان المشكلة الحقيقية انه غير مستحضر مصيره بكرة - [00:10:18](#)

فبيحط احيانا حاجز الوهم ويبضحك عليه الشيطان وبتضحك عليه نفسه الامارة بالسوء ان مشكلتك للاسف مش لاقى حد يقنعهك على فكرة ابو جهل وآاه الوليد بن المغيرة وهؤلاء من وجهة النزر للبعض ما لقوش حد يقنعهم - [00:10:36](#)

لا لا في او في مشاكل كتير عندنا حلها بسجدة حلها في بكاء حلها في آآ تضرع حلها في استحضر نار حلها في استحضر جنة مش في حلها انك تقعد معه بالساعتين وتلاتة ودانك تتناقش وجدال بغيض مقيت. انت عارف كويس جدا - [00:10:52](#)

ان فلان ده عنز ولو طارت. عنزة ولو طارت ده مسل في واحد كان شايفين كده طائر من بعيد كده فواحد هو طائر ضخم كده. واحد بيقول له على فكرة دي دي معزة دي عنزة. والتاني بيقول له لأ ده طائر. قال له لأ دي عنزة. قال له لأ دي طائر. فراح قال له يا عم انت زعلان - [00:11:18](#)

فاللي راح ماسك طوبة وراح زائد الحاجة ديت. فقال له لو جريت وبتاع هنشوفها مطار تبقى ايه تبقى عنزة ولو طارت هو سبحان الله قال له كده عنزة ولو طارت - [00:11:36](#)

فالمهم ان صاحبنا ده كان هو شايف ان دي عنزة ولا طرف. ففي ناس كده عند المحاوره تجد ان القصة كلهم عندهم جدل نسأل الله العفو والعافية طيب الحل ايه - [00:11:52](#)

الحل استحضر آآ الدار الاخرة فنسأل الله سبحانه وتعالى ان يسدنا واياكم. التصورات عائشة رضي الله عنها تقول اول ما نزل من القرآن في البداية ايه اللي نزل ايات المفصل ليه ايات المفصل فيها ذكر الجنة كتير فيها ذكر النار كتير - [00:12:06](#)

فتقول عائشة حتى اذا ساب الناس الى الاسلام اول ما الناس رجعت نزل الحلال والحرام. بدأ بقى ايات الايه؟ الحلال والحرام ولزلك بنات كتير غير محجة الحجاب الشرعي السبب الحقيقي غير ان ما فيش حاجة اسمها انا مش مقتنع لا مش مش ده السبب الحقيقي. يعني السبب الحقيقي عند نسبة كبيرة - [00:12:25](#)

مش عدم وضوح الدليل وان هي مش عارفة الدليل لا لا لا السبب الحقيقي ان هي مش مستحضرة الدار الاخرة وما اعده الله سبحانه وتعالى للقائنات الصالحات وما اعده الله للكاسيات العاريات في ايه؟ في النار. فهي مش مستحضرة - [00:12:49](#)

نسأل الله السلامة فاول اول ما نزل كانت صور صور بالسين تبني التصورات تبني الصور في الزهن بالصاد فان آآ يعني شوفوا سبحان الله اذا السماء انشقت الله سبحانه وتعالى بيوضحك ان السما اللي انت شايفها دي مش هتدناها كده. البحار اللي انت شايفها دي مش هتدناها كده هتسجر في يوم من الايام. الشمس - [00:13:10](#)

لو القمر جمع الشمس والقمر. فتلاقي ايات الانفطار وايات التكوير وايات الانشقاق الايات دي كلها السور دي مليئة بايات اخر ساعات في الدنيا واول ساعات في الاخرة وهيكون لنا تعليق عليها ان شاء الله. ان احنا نتكلم على اخر ست - [00:13:36](#)

آآ اشياء هتحصل في الدنيا واول ست حاجات هتبدأ تحصل في الاخرة. نسأل الله ان يوفقنا واياكم لما فيها خير فربنا بيقول لك

في الصور دي اشيء عشان انت تبدأ تاخذ بالك ان الحياة هتقف في يوم من الايام - [00:13:55](#)

الحياة اللي انت شايفها دي كل يوم الدنيا بتطلع هيجي في يوم من الايام كله يقف هذا التصور عما يتبني عند الانسان بيوصل لهدفه بسهولة بعد كده فلذلك تقول عائشة فلما نزل تحريم الخمر ونزل بقى بعد ما خلاص القلوب لانت - [00:14:14](#)

انتهى خلاص انتهى وعلى طول مرصد كان بيحب بنت وهيجي معنا ان شاء الله في دروس العصر. كان بيحبها جدا ومش قادر يسيبها ومتعلق جدا بها لكن لما اسلم وسابها وكل حاجة برضو افكرها في يوم من الايام - [00:14:32](#)

لكن لما قال للنبي صلى الله عليه وسلم يا رسول الله انا اريد ان اتزوج اعناق؟ قال له النبي ان الله حرم الزنا الله اكبر سبحانه الله. فشوفوا التصور فرق معه كتير جدا - [00:14:47](#)

فاحنا عاوزين نتخيل السلسلة ديت هدفها مش هدفها التخويف لان بعض الناس ممكن يكون حاسس ان الخوف وعلى فكرة لو خاف فده مؤثر عالي جدا جدا ان الله سبحانه وتعالى اراد به خير - [00:15:02](#)

ليه لان النبي صلى الله عليه وسلم اخبرنا في حديث ابي هريرة رضي الله عنه ان الله سبحانه وتعالى يقول في الحديث القدسي وعزتي وجلالي لا اجمع على عبدي اميين وخوفين. فمن خافني في الدنيا امنته يوم القيامة - [00:15:20](#)

انا مرعوبة من يوم القيامة. انا خايفة اموت من يوم القيامة. انا خايفة اموت من ده من من المؤشرات ان شاء الله ان الله سبحانه وتعالى لسيهدئ قلبك وسيرزقك حسن ختام باذن الله. ويمن عليك بتوفيق قبل الايه؟ المغادرة. وقبل الاقلاع من هذه الدنيا - [00:15:39](#)

فكل واحد منا يتخيل يحاول يتخيل ان في قبره او هو عذافي في الدنيا هيتقال له وهيسمع ايتها النفس المطمئنة اخرجي الى مغفرة من الله ورضوان بالله عليك لو اتقال لك كده واتقال لك كده. ماذا سيبقى معك من متاع الدنيا وقتها - [00:16:01](#)

تعب دنيا ايه اللي هتبدئي تفتكريه دلوقتي حد ممكن في يوم من الايام يحس بالتعب بعد الجملة ديت عمال يتقال ايتها الروح وايتها النفس المطمئنة بعد ما يتقال لك كده تقول اصل انا كنت تعبان ياه وبتاع لا - [00:16:23](#)

طب واللي عايزه بالله الصورة الثانية بقى اخرجي ايتها النفس الخبيسة الى غضب الله وسخطه. بالله عليكم اللي هيسمع ده عافانا الله واياكم واعاذنا الله واياكم من هزه - [00:16:44](#)

ماذا سيبقى له من متع الدنيا في قلبه ايه اللي هيتبقى لي وكان له وكان اغنى واحد على وجه الارض وكان له كزا في العقارات وله قصور وله طياراته وليه وليه وليه كل الكلام ده راح فين - [00:16:59](#)

النبي صلى الله عليه وسلم بيقول لنا تصور تخيل ان اول غمسة مع اول غمسة نسأل الله السلامة يؤتى باطرف اهل الارض. اغنى اهل الارض. اكثر واحد كان معه فلوس في الدنيا كلها - [00:17:16](#)

شوف بقى من يوم ادم الى يوم القيامة نسأل الله العفو والعافية اغنى واحد يقول النبي صلى الله عليه وسلم واغنى واحد ده مسلا يكون من اهل النار ما يكونش مسلم يعني - [00:17:35](#)

فيغمس فيغمس في النار غمسة. يغمس في النار غمسة الغمسة دي تاخذ وقت قد ايه الغمسة دي تقريبا زي ما حضرتك تحط صابحك كده في كوباية الشاي وتطلعها على طول - [00:17:48](#)

في سانية تاخذ وقتي لحظات يقول النبي فلما يغمس الغمسة ديت قال له سؤال هل ذقت نعيم قط فيقول والله ما ذقت وما رأيت نعيما قط يا ربي غمسة نستسه كل اللي فات - [00:18:01](#)

نسأل الله السلامة والعكس تماما يؤتى بابئس اهل الارض واحد يجيبوا المسلمين اللي هيخشوا الجنة. اقل واحد فيهم وكان متبهدل في دنياه وكان فقير وحالته كربه من بلاء لبلاء يغمس في الجنة غمسا - [00:18:28](#)

يا جماعة انتم عارفين يعني ايه يغمس؟ اخسر الجنة دي مش مجرد ان هي انهار يعني مش مجرد ان هي انهار لأ يعني عارف كده ايه يعني يشم هواها ويطلع - [00:18:50](#)

لقطة كده ويطلع بالله عليكم يقول النبي صلى الله عليه وسلم فيقال له هل ذقت بؤسا قط؟ انت شفت بؤس قبل كده بؤس مين ده؟

انا انا طول عمري في النعيم اصلا - 00:18:59

فيقول والله ما ذقت بؤسا قط فانت ما تتخيل ان في نعيم هينسيك هينسيك بمعنى ينسيك كل البلاءات التي وقعت فيها هاي ناس يعني سبحان الله الزهول ده الادهاش ده - 00:19:15

اما الانسان يتخيل فدورنا في السلسلة ديت ان احنا ان شاء الله هنكمل مع بعض هنتكلم في كل محطة من المحطات دي. الفريقين الفريق ده هيكون وصفه ازاي والفريق ده وصفه ازاي - 00:19:35

وحتى في الجنة والنار هنتكلم في الجنة طعام الجنة ايه؟ الناس بتاكل ايه هنا؟ ودول بياكلوا ايه؟ دول ببشربوا ايه؟ ودول ببشربوا ايه؟ دول ببشربوا ايه؟ ودول دول ببشربوا ايه؟ دول ببشربوا ايه؟ بل الرائحة اهل الجنة ماذا يشمون من رائحة من رائحة. ودول ماذا - 00:19:51

تشمون من ايه؟ الرائحة كل واحد الكلام دول بيقولوا ايه؟ ودول بيقولوا ايه دول بيتكلموا مع مين ودول بيتكلموا مع مين كل الكلام ده ان شاء الله نحاول نتكلم فيه. حتى اللبس هنتكلم في اللبس - 00:20:11

حتى اللي الزينة آآ الزينة اللي هيلبسوها. دول هيلبسوا ايه؟ ودول هيلبسوا ايه؟ وحضرتك وحضرتك اختاري اختاري انت عاوزه تروحي فين مسائل لها تاخديه مني وعد ان احنا كلنا رايعين - 00:20:27

اللي مش هقدر اديهولك احنا رايعين فين لكن احنا كلنا رايعين للمحطة ديت الابدية اما ناخذ اليمين ده والعياذ بالله واما غيرنا ان شاء الله ياخذ الايه اليسار. نسأل الله يعافينا واياكم - 00:20:44

فالمشاهد ديت احنا عاوزين نستحضر انا عمتي يقول دي روت تخرج هيتقال لي ايه؟ في الحساب هيتقال ليه وتخيلي لما تخشي قبرك اشهر اختبار مسرب ثلاث اسئلة ناوية تجاوبهم؟ اه الحمد لله انا ناوية - 00:21:00

لا طبعاً ما الدنيا مش ماشية كده واحد ممكن يقول لك ايه في واحد يهودي ولا واحد نصراني سمع الكلام ده من المسلمين آآ لما يسمع الكلام ده من المسلمين يقول لك خلاص انا لو اتزنت هقول الكلمتين الكلمتين هما بيقولوهما لا يا جماعة يثبت الله - 00:21:19

الله هو الذي يثبت. وبعدين السؤال ايه ما دينك؟ دينك انت اللي كنت عايش عليه مش بيقول لك ما الدين الصح؟ ما هو الدين الصح هم عارفينه لكن هم بيسألوك على دينك يعني تدينك. احك لنا عنك. كنت بتعمل ايه - 00:21:40

حضرتك كنت بتعمل ايه فنسأل الله السلامة ونسأل الله العفو والعافية. فتخيلوا الحساب الانسان وانت بتتجاسب هتجاوب بكل سقة ولا لا هتقول ربي الله هتقول محمد هتقول ديني الاسلام ولي فيه واحد ثاني هيقول لا ادري سمعت الناس يقولون كذا فقلت. والله

كان في مجموعة كده بيقولوا حاجات كده فانا قلت زي - 00:21:56

كان في واحدة كده احيانا بتيجي تزكرني في الجامعة كده ايه كنت احنا شايفينها كده اسمها الشيخة كانت بتغطي شعرها كده وما كانتش زينا يعني وكانت ما بتكلمش الولاد زينا. فكانوا دي مسميها الشيخة كانت دايماً تقول لنا - 00:22:22

خلي بالكم يعني وبتاع فقلنا زي ما هي بتقول لا لا لا نسأل الله العفو والعافية. مشهد البعس هتبعس على ايه تخيلي وتخيل اول ما تخرج هتخرج ايه؟ هتخرج تلاقي فيه ملائكة بتطمئنك - 00:22:37

ومعها ركوب عشان تركب عليها الله اكبر ولا ايه اللي هيحصل يوم نحشر المتقين الى الرحمن وفدا يا سلام يوم نحشر شف شف

سبحان الله! وقد يعني في في التفسير يقول لك هيحشروا وهم راكبين - 00:22:52

ولا في ناس تانية هتتجاسر ماشية على وجهها يجر على وجهه وفي ناس الشمس فوق رأسه. وفي ناس هنينا لهم دول اصحاب البقرة بقى. واصحاب ال عمران دول الرايقين. اللي ما حدش قدهم. يا بختهم - 00:23:15

اللي من ضمنهم يعني ايه سبعة يغزلهم الله واهل البقرة دول بقى رايقين ما لهمش علاقة بان الكلام اللي الناس شايفينه ده كله في يغرق في عرقه على حسب آآ اعماله. ودول معهم المزة بتاعتهم - 00:23:31

والله يا جماعة البنات والولاد اللي بيقدوا في ماجستير ولا دكتوراة ولا في الطب سبعة سنين وبعدين يطلع عينه بعد كده فعشان يحقق ولا اللي شغال جرى بتاع يقول لك ايه؟ يقول لك لا اصل الطب يستحق - 00:23:49

والماجستير يستحق والدكتوراه تستحق والله خمسين الف سنة تستحق انت هتقعد قد ايه في الدنيا انا هقول لك يا عم تعيش مية سنة طب هتعيش مية سنة. اتخرجت امتي؟ اتخرجت عندك اثنين وعشرين سنة - [00:24:02](#)

طب انت بتقول الماجستير والدكتوراه تستحق عشان اعرف اكمل الحياة بتاعتها. هتاخدكم وتكون عندك مسلا خمسة وعشرين ثلاثين سنة يعني هتكون خلصت طيب من للمية عشت سبعين سنة يعني انت عملت الليلة دي كلها عشان السبعين؟ اه. ومش عاوز تقعد خمس ست - [00:24:18](#)

شهور عشان تخلص البقرة عشان تعدي وتبقى قاعد في الضل خمسين الف سنة ولا هو الكلام ده؟ يا جماعة القرآن ده مش كتاب تاريخ ولا كتاب جغرافيا ولا كتاب روايات - [00:24:36](#)

لقى كتاب تغيير. الكتاب التغيير. كتاب تغيير التفكير. كتاب الحقيقة الكتاب ده عشان تعمل به. تبقى انت فاهم. فهو عمال يقول لك ان فيه يوم القيامة ده ده عدد ساعاته خلي بالك - [00:24:56](#)

فتخليلوا بقى انك اول ما تطلع كده واحد طالع يقول لبيك اللهم لبيك ملابس الاحرام يا بخت ودق وواحد كان ساجد يا بخته وواحد كان معه شنطة كده وقاعد ايه رايح بها على يتيم يا بخته! وفيه واحد تاني كان - [00:25:15](#)

سبحان الله واقف وبيقول الا فاتقوا الله ان الدين عند الله الاسلام. فمات وهو بيخطب. والتاني مات وهو بيدعو الى الله. والتالت مات وهو يسمع قرآن لشيء والرابع مات وهو كان بيبير والدته رايح مشوار لها. والخامس مات وهو كان في سبحان الله في مصنع بيخدم دي بي لامة - [00:25:32](#)

استحضر هذه النعمة ان هو بيخدم وبياكل مال حلق. كل دي حسن ختام فمات في محراب صلاة ومحراب تعبد ولا في محراب حياة لاجل الله لان قل ان صلاتي ونسكي وايه ومحياي - [00:25:52](#)

فحياته كلها كان عاملها لله فسبحان الله! وفيه واحد تاني قاعد بقى بيبعس نسأل الله السلامة يقومك الذي يتخبطه الشيطان من المس. قايم مجنون ممسوس. زي ما يكون مسحور. ايه ده؟ ده اكل الربا. نسأل الله العفو والعافية. كان بياكل ربا ازاي - [00:26:06](#)
ده ده كان معنا في الجامع. ما كان بقى حاطط فلوسه في مكان وبياخذ فيها ربا. نسأل الله العفو والعافية. ربنا يسترنا في الدارين. وواحد تاني كان ايه اللي بيحصل معه؟ ده - [00:26:25](#)

بقى ومش عارف ايه والكلام ده كله. نسأل الله السلامة آا قايمة في حالة لا ترسى لها لان دي كانت على علاقات محرمة وكانت وكانت وكانت وكانت واحد قايم ماسك حقنة وقاعد اومال ليه؟ يدور على حد يعني يحقنه بها. ده كان بيشرب ومات وهو بيشرب - [00:26:35](#)

من عاش على شيء مات عليه ده الاصل في المجل. ومن مات على شيء بعث عليه ها ايوب بعس عليه بقى انت شوف انت ناوي تبعث على ايه تبع من وتلاقي ملائكة طيب الوجوه وجميلة وهي مستنياك - [00:26:53](#)

ولا ايه الاخبار؟ نسأل الله العفو والعافية. مشهد بعد الحساب وانت واقف على باب الجنة وشامم الجنة والمسك بتاع الجنة وشاف الشجرة لجزعاها ذهب ورايح تاخذ بقى ملكك في الجنة - [00:27:16](#)

وواقف في الطابور ومش عارف انت عارف بقى ايه عارفين كده شعور الفريق اللي خد آا دوري الابطال فوقف مستني بقى ايه الرصة بتاعة الميداليات الذهبية يا واحدين بقى واقفين كده ايه شوفوا السعادة اللي ايه السعادة الوهمية ديت بتاعة الايه الحاجة البسيطة دي وهمية عشان هي في الدنيا - [00:27:31](#)

فما بالك بقى انتم واقفين بقى ومستنيين الباب ده هيتفتح ومحمد هو اول من سيفتح له. وانت بقى مستني وخلص عرفت ومعك صحيفتك وكنت قاعد عامل الرياء الحلال وقاعد تقول ها قم اقرأوا كتابي وقاعد بقى ايه وتمد ست حركات ها قوم علي صوتك للآخر - [00:27:50](#)

الله اكبر شف الشعور الجميل ده وفي واحد الناحية الثانية خالص قاعد قفايا بوجهه سوء العذاب يوم القيامة واحد بقى مستني بقى دوره وداخل النار والعياز بالله والخناقات اللي في النار وده قاعد عمال يتخانق مع ده وده امال يتخانق مع ده وده يقول له انت

السبب وده يقول له انت السبب يقول له انت اللي قلت لي وانت قلت لي ما تحضرش وده اللي قال لك انا - [00:28:10](#)
قلت لك ما تحضرش انا ما لي او انا اللي كنت ماسكك ومش عارف ايه وتلاقي فيه واحد يقول يا رب ده اللي ضلني يا رب زده عذابا
ضعفا في النار واياه - [00:28:37](#)

وكل واحد كلما دخلت امة لعنت اختها شايف بقى اللي كانوا يعني ما شاء الله اخلاق حلوين قوي مع بعض. بقوا اعداء. وكل واحد
يدخل يقول له انت اللي كنت بتوديني مارينا. انت اللي كنت بتجيب لي الحشيش - [00:28:47](#)
انت اللي كنت بتجيب لي كزا انت قلت لي اضرب انت قلت لي اعتقل وانت اللي قلت لي ازيه انت اللي قلت اعلم كزا يعني انا قلت
لك طب وانت ليه سمعت كلامي - [00:29:02](#)
طالما انت كنت شريف اوي كده وبتاع والكلام ده كله. يبدأوا بقى يتلاعنوا بينهم وبين بعض. وقل له يا رب ده اللي دخلني يا رب. يا
رب زده عذابا ضعفا في النار - [00:29:12](#)

وده يولع في ده وده يولع في ده والتانيين بقى الناحية الثانية قاعدين بقى يسألوا اين فلان؟ ويسألوا على اخوانهم ويسألوا سبحان
الله! شتان شتان. فاحنا عاوزين نعرف احنا في القبر هنعيش ازاى - [00:29:22](#)
انا حياتي هيتقال لي نوم نم نومة العروس انتم يا جماعة عارفين ان في ناس وهم في القبر بعد السؤال هيقول للملائكة وهي بتسأله
دعوني اصلي انا مش فاضي لكم عاوز اصلي - [00:29:38](#)

فيقولوا له ايه؟ انا تاركوك هنسبك يا عم. يا عم هنسبك. بالراحة انت بتشد علينا ليه في ناس كده في ناس معهم علاقة مع النبي
صلى الله عليه وسلم مع مع الله سبحانه وتعالى اخبرنا عنهم النبي صلى الله عليه وسلم ان هم هيقولوا كده للملائكة. دعوني وصلي
انا عاوز اصلي - [00:29:54](#)

سبحان الله! اي قلوب هذه يا جماعة في ناس ويعني قلوبها عدت قوي سابت البوناني كان بيقول كده. يا رب ان اللهم ان اذنت لاحد
ان يصلي في قبره فاذن لي ان اصلي في قبره - [00:30:13](#)
وفي رحلة الاسراء والمعراج النبي صلى الله عليه وسلم لما مر على قبر موسى قال فاذا هو قائم يصلي ياه! ايه سيدنا موسى! وبعدين
بقى الصلاة دي بقى مش صلاة تكليف! ده صلاة تشريف الروح! هو يعني سبحان الله يا جماعة! فيه ناس ليه هنلهم التسبيح -

[00:30:27](#)

يج. انتم عارفين كده النبي صلى الله عليه وسلم بيقول واحنا في الجنة هيبقى فيه حاجة الهام كده زي النفس حضرتك وحضرتك
وانت بتاخدي النفس انت مش مركزة انك دلوقتي بتاخدي نفس صح؟ ليه؟ لانك انت ملهمة يعني حاجة كده ايه بقت لا شف -

[00:30:45](#)

بتاخديها تلقائي. في الجنة في حاجة تلقائي كده هتكون معنا. ايه هي؟ التسبيح يلهمون التسبيح فبقى عندهم التسبيح ده حاجة
يعني سبحان الله من من الادهاش بتاع النعمة احنا النهاردة حتى ربنا فطر فطرنا على كده - [00:30:59](#)

اما بتشوف حاجة جميلة جدا بتقول ايه؟ اما تلاقي حاجات جميلة قوي بتقول ايه؟ الله! ايه ده الله! طب الله ديت مين اللي فطرك
عليها انت تقولها؟ والاجانب بيقولوا طب انت مين اللي فترك انك تقول كده؟ كان كل جميل يدلك على الايه؟ كل شيء - [00:31:17](#)
ان فيه جمال يدر لك على الجميل سبحانه وتعالى على بديع السماوات والارض فانت لما تشوف الجنة مش هتقدر تقول الا على طول
الخط التسبيح سبحان الله! المعنى ده مهم جدا ان الانسان يستحضره - [00:31:33](#)

يستحضروا انت النهاردة وانت في قبرك ان في ناس هيتقال لها نم نومة العروس تستشعروا ان في ممكن حد من اهلينا بيتقال له
غير دلوقتي ان في حد من اهلينا والدي ووالدتك واخوك واختك وزوجك ممكن في حد يكون متقال له كده دلوقتي - [00:31:49](#)
يقول له اه نم نومة العروس. يعني ايه العروس انتم عارفين العروسة بتنام يوم في ليلة الزفاف ولا العريس؟ فاما بيبقوا نايمين مين
اللي بيصحهم؟ احب الناس اليهم يوم بقى وانسه كده. فيقول له نم نومت - [00:32:06](#)

لا يوقظك الا احب الناس اليك ياه ايه الجمال ده انت ناوي كده ولا ناوي تروح فين؟ فاحنا نتكلم في القبر واحنا بنتكلم في القبر

نديك الصورتين وانت بقى تبص على الشاشتتين اختار عاوز تيجي الناحية - 00:32:20

هادي ولا عاوز تيجي الناحية دي واحنا عند الميزان هنقول لك مين الناس اللي ميزانها هيكون تقيل اوي وحاجة يعني عالية اوي في ناس ميزانها بيقي خفيف زي الريشة نسأل الله السلامة - 00:32:39

هنعمل ايه في الميزان؟ هنعمل ايه في الصراط؟ في ناس على الصراط ده يا جماعة على عرض النار. كوبري كده زي الكوبري على عرض النار اللي يقع فيه ينزل في في النار. سبحان الله - 00:32:53

الصراط ده فيه ناس النبي صلى الله عليه وسلم بيقلوا ايه؟ هيمر عليهم كسرعة البرق وفيه ناس سرعتها زي سرعة الياه؟ اللي راكب خيل. وفيه واحد بقى ماشي ايدوب يحبو - 00:33:04

اللي عدى زي البرق ده يعني تبقى انت واقف كده هوب واحد عدى مين ده؟ اهو ده الاخ عبدالرحمن مين ده؟ ده الاخت حفصة. مين دي؟ ده آآ شاهندا. ياه - 00:33:18

ايه اللي عداها كده؟ هي كانت بتعمل ايه؟ لا ده دي كانت دي بقى ده اسرار ده احنا شفناها في يوم ده طالعة في القبر من قبرها اه طالعة بتسبح - 00:33:31

خلاص بقى كله بقى الدنيا بتتغير خالص خافضة رافعة. فيه ناس بتروح الناحية دي وفيه ناس بتروح الناحية دي. ففي الصراط هنشوف وهنشوف مين اللي بيوقع هنشوف احنا عند الحوض مين اللي بيتبرأ منهم النبي ومين اللي قاعدين يقربوا من النبي ومين اللي ايه ببشربوا من حوض النبي صلى الله عليه وسلم. في الشفاعة - 00:33:41

مين اللي ببشفع؟ يعني انت هتكوني هتشفعي لحد ومين اللي هيشفع لك والقنطرة بتاعة المؤمنين واحنا بنعدي عليها. كل ده ان شاء الله نايه نتكلم فيه. فهنتكلم في الجنة ونتكلم في النار. انا مرادي من السلسلة ديت مش مراد السلسلة - 00:34:01

ديت اللي انا اربعك لاه انا حط قدامك الصورتين احط قدامك الصورتين وحضرتك اختار الصورة. انت مختار عاوز تاخذ ايه؟ زي بالزبط كده انا جاي اكلمك عن اللي الناجح بده بيكمل ازاى؟ وان الفاشل ده بيكمل ازاى - 00:34:16

حضرتك اختار عاوز تروح فين؟ ما خلاص احنا دورنا آآ كمسلمين انا واجب علي كمسلم بما اني ان انا اخترت ديني الاسلام بقى فيه واجب اجباري علي تجاه كل مسلم ايه هو الواجب ده؟ وتواصوا بالحق. ايه هو الواجب ده؟ امر بالمعروف والنهي عن المنكر -

00:34:32

فكون ان انا مسلم وكون ان حضرتك مسلم بقى فيه حق آآ لك عندي. ايه هو الحق ده اللي انا ازكرك انت بقى حضرتك تعمل ولا لا تعمل ان شاء الله طبعاً تكون من اهل الياه الايمان وتفعّل لان الذكرى تنفع المؤمنين - 00:34:51

ده دورنا فاحنا دورنا ان احنا نذكر بعضنا دورنا ان احنا نحاول بقدر الامكان نعين بعضنا وتواصوا بالحق احنا في تواصي بالصبر كثير معلش اصبر معلش اللي جاي احسن آآ في بلاء في فقر فبنتواصي كثير لكن التواصي بالحق عاوزين نسبت بعض - 00:35:08

عاوزين نذكر بعض لان في ناس كثير جدا واقعة سبب الوقوع مش ان هو وحش ابداء بالعكس ده هو متضايق جدا من اللي هو فيه والحال اللي هو فيه. عمال مش لاقى حد يساعده مش لاقى صحبة سالحة. مش لاقى حد يذكّره. كل اللي حواليه بيزقوه في الاتجاه

التاني ده - 00:35:26

فاسأل الله سبحانه وتعالى ان يحفزنا وياياكم ويبارك لنا فيكم ويرزقنا وياياكم حسن الخلق وحسن العمل وحسن الختام. اقول قولي هذا واستغفر الله لي ولكم - 00:35:44